

Beihun Neilo Biakpiakna

Lesson 12 ading March 23, 2024



**"Ka nuntak laiteng TOPA
tungah la kasa ding a, ka
hi'n laiteng ka Pasian phatna
la ka sasa ding hi."** (Late 104:33)



Biakpiakna pen Piangsakpa tungah pian'sak nate ii thukkikna letsong hi. A huam in enleng' Lai Siangtho thuman' nih kilangh hi:

- 1 Pasian in mihänge tungah thupha tampi a pia hi. Hih thupha te in Pasian hong itna a lian lua ahihmanin mihänge lungsim ah lungdamna hong khangsak hi.
- 2 Mihänge in Pasian' a lamdan'nate ah zahtak piakna tawh thuk kik ding i lungsim tawng' pan ngaihsun ding hi.

Biakpiakna in lungsim sungpan hong paikhia ding hi. Late bu in Pasian lamet mah bangin hih biakpiak na in koi bangin semkhia thei ding hiam cih honghilh hi.



- Siangtho mun ah Biakpiakna (Late 134).
- La thak tawh biakna pia in (Late 149).
- Thutang takin biakpiakna (Late 15, 24 le 101).
- Nam tuamtuan tawh biakpiakna (Late 96).
- Lungsim le thumaanna tawh bia in (Late 40, 50 le 51).



SIANGTHO MUN AH BIAKPIAKNA

"Zan khuavakin Topa' inn sungah a ding, Topa' nasemte khempeuh aw, hongpai-in Topa phat un. Siangtho mun lamah na khutte uh laamto-in Topa phat un. Van le lei a bawl Topa in Zion panin note tungah thupha hong pia ta hen." (Late 134)

Siampite in mite thupha pia dingin a khutte uh lam sang hi (Gam. 6:23-26; Siam. 9:22). Ahizongin, hih late in Levite-in siangtho mun ah khutte lam'to in Topa in thupha a piak na dingin ngen uh hi (Late 134:2). Thupiang a nih in, a ngahna kibang hi: Pasian in thupha tawh thuk kik hi (Gam. 6:27; Ps. 134:3).

Topa pen kua-in thupha pia le phat hiam?

→ Siangtho mun ah nasemte
(Late 134:1-2)

→ Topa tungah a kipiakhia khempeuh (Late 113:1)



Eite khempeuh in hih leitung a ding in lungdamna thu puak dingin sapna a ngah siampi ihih manin, i vekpi in vantung a om siangtho mun ah i khutte lamto-in i Pasian thupha pia in phat ding sapna i ngah hi (1 Pet. 2:4-5).

LA THAK TAWH BIAKNA PIA-IN

"TOPA phat un. TOPA' tungah la thak sa un. A thuman mite' kikhopna sungah amah phatna sa un." (Late 149:1)

La thak khat sa dingin late gelhpa pen bangin tawsawn hiam?

Late 149:1-3

Piangsakpa le
Kumpipa theih
na in lung
nopna

Late 149:4

Pasian in amah
hong honkhia
ahihna thei in

Late 149:5

I dam loh hun
ah zong Pasian
in amah tawh
om ahinhna
phawk in


Late 149:6-9

Atawpna ah
Pasian in thu
manlo khem
peuh thukhen
ding phawk in

Isaiah in mi kim tungah la thak khat sak ding a zawn hi (Is. 42:10-12).
Ahizongin hih la sungah bang kihel hiam?

La thak in Pasian tawh eite i nungta khawm na thuah
khakna thakte honglak hi: Ama' pian'sakna thu a thak
khat i muh sim in; Ama maipha ah eite-in kipak'na i
ngah sim in, hong hehnem sim in, i mawhna hong mai
sak sim in...

Kua mahin a sak theihloh la ahi hi. Tatkhiat ngah mite
bekin vantung mite ii kipak'na le lamdang sakna in
vantung ah la thak sa zo sak thei hi (Mang. 14:3).



THUTANG TAKIN BIAKPIAKNA

"Topa aw, na biakinn sungah kua om ding ahi hiam? Na mual siangtho tungah kua teng' ding ahi hiam?" (Late 15:1)



Pasian mai-ah kua in biak tak cing a hiam?



Late 15:2

Amah in thutang in zuau thu a gen thei kei hi.



Late 15:3

Mi gensialo in, siatna bawlo, a veengte a mawh saklo mi



Late 15:4a

Topa a zahtak mite a pahtawi mi



Late 15:4b

Ama nat nading na ngawn ah a ciampello mi



Late 15:5a

Ama meet na enlo-in (aang sung khuallo) ahuh thei mi



Late 15:5b

A manlo thu ah lung duailo mi



Late 24:4

Gamtat siangtho le lungsim siangtho a nei mi



Late 101

Mi gilote tawh a kipawl lo mi, ahizongin amauta mawh siatna thuak

A tomin cileng, thukhamte in keemcingin sian'thona tawh a nungta mi (Heb. 12:14). Siatna a bawl lo mi in a thuman lo, a siangtho lo, kisik kikin Pasian pen lungsim tawh bia ding a hamciam mi ahih lam pawk in.



NAM TUAMTUAM TAWH BIAKPIAKNA

"Ama min in a ngah dingin a kilawm minthan'na Topa' tungah pia unla, biakpiakna hong kengin ama huang sungah hongpai un" (Late 96:8)


Biakpiakna ah muhdan tampi kihel hi.

Eite in Pasian pen la tawh biakpiakna i nei hi (Late 96:1-2). Ama' thu midangte i gen ciangin Amah i bia hi (Late 96:3), ahih keileh i biak hun ah hong kihel nading i zawn hi (Late 96:7). Ama' min pahtawi le biakpaikna sumpite tawh i bia hi (Late 96:8).

Pasian pen i "lau" manin i bia hi (Ps. 96:4). Ahizongin, hih in lau na aci nuam hilo-in zahtakna hizaw hi. "Siangtho na ii hoihna" cih ngaihsutna pan hong piangkhia lau na ahi hi (Late 96:9).


Biakpiakna ah Pasian in kumpi hi-a mihingte' thukhen mangpa ci-in a kigenkhia hi (Late 96:10). Kiciantakin gen leng, hih khanghun sung in leitung ah lungdamna thu gen khat na ah "ama thukhen hun hong tung zo hi" cih gen ding kihel hi (Mang. 14:7).

Pasian in eite thu hong khen tading ahihmanin amah bia ihi hiam? Himah! Banghang hiam cileh ama thukhenna in thuman ahih manin Piangsakna khempeuh in lungdam hi (Late 96:11-13).



LUNGSIM LE THUMANNA TAWH BIA IN

"Banghang hiam cihleh ganhing tawh biakna na deih kei hi. Meihal biakna hongpia hita leng zong, na lungdam kei ding hi." (Late 51:16)



Biakbuk ah biakpiakna ii a bulpi in gan tawh biakna ahi hi. Bangbang ahizong in, Late sung ah Pasian in gan tawh biakna a nial hi (Late 40:6; 51:16). Bang hang hiam?

Biakpiakna a pia mi-in a inn veengte' tungah a manlo-in a tatleh Pasian in a biakna deihlo hi; ahihkeileh amau taang in kha lam tawh kisai thuman pen sang zo lo hi; ahihkeileh ngeina khat bangin baih takin sem hi.

Siang takin gen leng: Pasian in biakpiak ding kisam sa lo hi (Late 50:9-13). Ahizongin, amah kiang ah i pulaak ding hong ngen hi (Late 50:5). Tuni in ei' tungah Pasian in koici bang biakna hong ngen hiam?

Pasian in amah pen i lungsim le thumanna tawh biak ding deih hi (Johan 4:23-24). Tua manin, a kitam zan' lungsim tawh biakna a sang hi (Late 51:17); phatna (Late 50:14, 23; 69:30-31); le thuman'na (Late 40:6-8).



**“Ih vekpi in Pasian phat in Khris tung ah i kingak
leh vantung mite in vantung pan in nuamna tawh
hong en suk ding ahihlam i phawk hi. A diktak in,
Khristian ta dingin a kicing lungdamna om hi
cileng, eite-in tua pen bang hang in ngahlo in, tua
in hih leitung ah kilangh sak huai hiam?...**

**Hun tomno sung mahin Khris in vangliatna lianpi
le thu neihna tawh hongpai suk ding hi, [...] a nuai
a bangin lungdamna le pahtawina la i sa ding hi...
Na muk' na kamte-in Pasian tung ah phatna pia
tahen [...]**

**Nang in Khris tawh vantung ah na omkhopleh,
Pasian phatna tawh na kipeel thei kei ding hi.
Amah phat dingin na leei te kisin sakin Pasian
kiang ah lasa dingin na lungsimte uh kisin un;
migilote-in na tungah maai mail takin hong om
uh ciangin, Pasian tungah phatna lasa un.”**

EGW (In Heavenly Places, March 29)

**“Khris a um mi-in Khris tawh
pumkhat hi-in Pasian’ vang
lian sak dinga, Pasian in la
thak te a lung sungah guang
in, Topa a phat ding uh hi.
Amah in amah tawh a kibat
semsem nadingin, Khris ii
thute i theihbeh nadingin
nisim in a lunggulh hi. Amah
in kha thu lam tawh kisai
khentel’ in mu thei a, Khris
thu ngaihsutna ah nuamsa
in, amah i et natawh Khris
lim le mel kimulo-in, amah
le amah kimulo zah dongin a
kikhel hi.”**

EGW (That I May Know Him - Page 158)